

7. gr.

Hreppsnefnd Bólstaðarhlíðarhrepps kýs 3 menn í stjórn sjóðsins. Í fyrsta sinn 1961, til eins árs, en svo eftir það jafnan til fjögurra ára að afstöðnum hreppsnefndarkosningum hverju sinni.

Þessi eru störf stjórnarinnar:

1. Að vinna að myndasöfnun, æviskrárritun og öðru því, sem um getur í 4. gr. reglugerðar þessarar.
2. Að ávaxta fé sjóðsins í Innlánsdeild Kaupfélags Húnavetninga á Blönduósi, eða Sparisjóði Húnavatnssýslu á Blönduósi.
3. Að halda gerðabók, en þar skal færa allar fundargerðir stjórnarinnar, árlega skýrslu um framkvæmdir sjóðsins og reikninga hans.
4. Að semja árlega áætlun um tekjur og gjöld sjóðsins og leggja fyrir hreppsnefnd Bólstaðarhlíðarhrepps til úrskurðar.
5. Að gera árlega reikning um tekjur og gjöld sjóðsins og sé reikningurinn einn af fylgireikningum sveitarsjóðs Bólstaðarhlíðarhrepps.

8. gr.

Leita skal staðfestingar forseta Íslands á skipulagsskrá þessari og birta í B-deild Stjórnartíðinda.

Skipulagsskráin þannig samþykkt.

Bólstaðarhlíðarhreppi, 15. apríl 1962.

Jón Tryggvason.

Bóas Magnússon.

Haraldur Eyjólfsson.

Blöndudalshólum, 15. apríl 1962.

Bjarni Jónasson.

Anna Sigurjónsdóttir.

5. september.

Nr. 145.

Staðfesting forsetans á skipulagsskrá fyrir Minningarsjóð Jóhönnu Pétursdóttur, útgefin á venjulegan hátt að mandatum af dómsmálaráðherra 5. september 1962.

Skipulagsskráin er þannig:

SKIPULAGSSKRÁ

fyrir Minningarsjóð Jóhönnu Pétursdóttur.

1. gr.

Sjóðurinn heitir: Minning Jóhönnu Pétursdóttur.

2. gr.

Sjóðurinn er stofnaður til minningar um Jóhönnu Pétursdóttur, handavinnukennara stúlkna við barna- og unglingaskóla Bolungarvíkur. Jóhanna var fædd í Bolungarvík 20. júlí 1917 og lézt hinn 25. febrúar 1962. Hún kenndi við skólann frá 1952—1961.

3. gr.

Stofnendur sjóðsins eru foreldrar Jóhönnu, þau Pétur J. Ólafsson og Þorsteina Guðmundsdóttir, hjón í Bolungarvík, og dóttir hennar, Agnes S. Óskarsdóttir, Ísafirði. Stofndagur er 20. júlí 1962.

4. gr.

Stofnfé sjóðsins er kr. 2000.00 — tvö þúsund krónur —. Tekjur hans eru, auk árlegra vaxta, það fé, sem honum kann að berast sem gjafir, áheit, minningargjafir eða á annan hátt.

5. gr.

Hlutverk sjóðsins er að veita verðlaun eða viðurkenningu þeim stúlkum, er ljúka burtfararprófi frá barna- og unglingskóla Bolungarvíkur og skarað hafa fram úr að því er vandvirkni snertir og dugnað í handavinnu. Verðlaun skulu fyrst veitt úr sjóðnum vorið 1967 og upp frá því má verja vaxtatekjum sjóðsins, öðrum tekjum, svo og eignum, öðrum en stofnfé, í samræmi við ofangreindan tilgang, eftir því sem stjórn hans ákvarðar. Sjóðurinn skal ávaxtaður í Sparisjóði Bolungarvíkur eða annarri tryggri peningastofnun.

6. gr.

Stjórn sjóðsins skipa: Skólastjóri barna- og unglingskóla Bolungarvíkur og er hann formaður, handavinnukennari stúlkna í áðurnefndum skóla og formaður skólaneftndar Hólsskólahverfis. Stjórn sjóðsins sér um reikningshald hans og semur árlegan reikning, sem skal endurskoðaður jafnframt reikningum skólans.

7. gr.

Leita skal staðfestingar forseta Íslands á skipulagsskrá þessari.

Bolungarvík, 20. júlí 1962.

Pétur J. Ólafsson.

Þorsteina Guðmundsdóttir.

Agnes S. Óskarsdóttir.

Staðfesting forsetans á skipulagsskrá Menningar- og fræðslusjóðs Guðspekifélags Íslands, útgefin á venjulegan hátt að mandatum af dómsmálaráðherra 6. september 1962.

Skipulagsskráin er þannig:

SKIPULAGSSKRÁ

Menningar- og fræðslusjóðs Guðspekifélags Íslands.

1. gr.

Sjóður þessi er stofnaður af Guðmundi Kristjánssyni, til heimilis að Grundargötu 12 á Siglufirði. Sjóðurinn skal vera eign Guðspekifélags Íslands og er stofnfé hans kr. 50000.00.

2. gr.

Nafn sjóðsins er Menningar- og fræðslusjóður Guðspekifélags Íslands.

3. gr.

Verja skal vöxtum af sjóði þessum til útbreiðslu guðspekinnar í landinu, til ritgerða, fyrirlestra og ferða út um land. Enn fremur má gleðja af vöxtum þessum fátæka og sjúka, ef öll stjórnin er samþykkt.